



## Komunikado di Prensa

20 di yuni 2019

### ***Sekretario nobo di e Kolegionan di supervishon finansiero***

### **Dia 1 di òktober Sr. Ray Thuis ta drenta den funshon komo sekretario nobo di e Kolegionan di supervishon finansiero**

Despues di un prosedura di selekshon ekstense, bou di guia di Servisio General di Gobernashon, Sekretario di Estado di Asuntunan Interno i Relashon den Reino, Raymond Knops, a nombra Sr. Ray Thuis (61 aña) komo Sekretario di Cft entrante 1 di òktober próksimo. Tantu e Presidente komo e miembronan di e Kolegionan ta masha kontentu ku e nombramentu aki.

Ray Thuis ta un hurista ku eksperensia amplio riba tereno finansiero ehekutivo. Denter di Ministerio di Defensa Hulandes e tabata, entre otro, Hefe di Departamento di Asuntunan Hurídiko i Direktor di Departamento di Asuntunan Finansiero-Ekonómiko. Den NAVO (OTAN) e tabata kontroladó finansiero i komo tal responsabel pa proyektonan internashonal grandi.

Na 2007 i 2008 Ray Thuis tabata enkargá ku e trabounan ehekutivo di funda Cft komo 'kwartiermaker' i despues el a bira e promé sekretario di e Cft ora apénas a kaba di funda esaki. E ta ansioso pa regresá e islanan huntu ku su esposa i pa por dediká su mes un biaha mas, huntu ku tur esnan involví, na desaroyo di finansa públiko sostenibel.

Ku nombramentu di Señor Thuis, e funshon di Sekretario di Cft ta definitivamente yená atrobe.

[Fin di e Komunikado di Prensa]

**Foto:**

Cft

**Teksto pa foto:**

Ray Thuis, e promé sekretario di Cft, ta regresá próksimamente den e funshon.

**Nota pa redakshon- no pa publikashon**

Persona di kontakto na Cft:

Sekretariado Kolegio di supervishon finansiero  
Koert van Buiren – Sekretario interino  
Telefon (+5999) 461-9081  
Email [info@cft.cw](mailto:info@cft.cw)  
Internet [www.cft.cw](http://www.cft.cw)

Persona di kontakto pa Prensa:

Jefka Martina  
Telefon (+5999) 512-6861